

BOSNA I HERCEGOVINA
FEDERACIJA BOSNE I
HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
В Л А Д А

BOSNIA AND HERZEGOVINA
FEDERATION OF BOSNIA AND
HERZEGOVINA
G O V E R N M E N T

**Interresorna radna grupa Vlade Federacije Bosne i Hercegovine za izradu i
provođenje Akcionog plana za prevenciju i borbu protiv terorizma u Federaciji
Bosne i Hercegovine**

IZVJEŠTAJ O RADU

**Interresorne radne grupe Vlade Federacije Bosne i Hercegovine za izradu i
provođenje Akcionog plana za prevenciju i borbu protiv terorizma u Federaciji
Bosne i Hercegovine
za 2022. godinu**

Sarajevo, februar 2023. godine

UVOD

Vlada Federacije Bosne i Hercegovine na 210. sjednici, održanoj 20.02.2020. godine donijela je Rješenje o imenovanju Interresorne radne grupe Vlade Federacije Bosne i Hercegovine za izradu i provođenje Akcionog plana za prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma - V.broj: 275/2020. od 20.02.2020. godine ("Službene novine Federacije BiH", br. 16/20, 62/20, 57/22 i 93/22).

Zadaci Interresorne radne grupe su:

- izrada i provođenje Akcionog plana za prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma;
- predlaganje i provođenje mjera iz Akcionog plana
- koordinira i prati implementaciju programa prevencije ekstremnog nasilja;
- koordinira aktivnosti u vezi sa prihvatom povratnika sa stranih ratišta uz koordinaciju sa nižim nivoima vlasti te praćenje provođenje mjera psihološko-sociološke rehabilitacije i inkluzije;
- saradnja sa istim tijelima na nivou entiteta, Brčko distrikta Bosne i Hercegovine, kantona i lokalnih zajednica, saradnja sa Ministarstvom sigurnosti Bosne i Hercegovine, međunarodnim i drugim nadležnim institucijama;
- učešće u procesima donošenja starijih na državnom nivou koja se odnosi na prevenciju i borbu protiv terorizma.

Tačkom IV Rješenja propisano je da Interresorna radna grupa podnosi izvještaje Vladi Federacije Bosne i Hercegovine.

Napominjemo da je Rješenjem Vlade FBiH V. broj: 1064/2022 od 14.07.2022. godine, prof. Eldan Mujanović imenovan za predsjednika Interresorne radne grupe Vlade Federacije Bosne i Hercegovine za izradu i provođenje Akcionog plana za prevenciju i borbu protiv terorizma u Federaciji Bosne i Hercegovine.

AKTIVNOSTI INTERRESORNE RADNE GRUPE U 2022. GODINI

Od donošenja Rješenja o imenovanju Interresorne radne grupe Vlade Federacije Bosne i Hercegovine za izradu i provođenje Akcionog plana za prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma (u daljem tekstu Interresorna radna grupa), do 31.12.2022. godine Interresorna radna grupa održala je 31 sjednicu od čega u izvještajnom periodu 12 sjednica.

Na 12 sjednica koje su održane tokom 2022. godine ukupno je razmatrano 59 tačaka dnevnog reda.

Također, napominjemo da je jedna od obaveza izrada Akcionog plana proistekla iz državne Strategije za prevenciju i borbu protiv terorizma 2015.-2020. u kojoj je navedeno da će „Entitetske vlade uključujući i Vlade Kantona, te Vlada Brčko distrikta Bosne i Hercegovine donijeti vlastite akcione planove za provođenje Strategije koji su

u skladu sa ciljevima i mjerama iz Strategije i za koje je zakonom utvrđena nadležnost entitetskih, kantonalnih i institucija Brčko distrikta Bosne i Hercegovine. Nositelji izrade ovih akcionih planova su Ministarstva unutrašnjih poslova, te policija Brčko distrikta BiH“.

Vlada Federacije BiH na 233. sjednici održanoj 28.08.2020. godine usvojila je Akcioni plan za prevenciju i borbu protiv terorizma u Federaciji Bosne i Hercegovine 2020.-2025. godina.

Tokom izvještajnog perioda (2022. godina) Interresorna radna grupa nastavila je sa kontinuiranim izvršavanjem zadataka iz svoje nadležnosti u skladu sa obavezama proisteklim iz Rješenja o imenovanju Interresorne radne grupe.

AKTIVNOSTI INTERRESORNE RADNE GRUPE NA IMPLEMENTACIJI AKCIONOG PLANA ZA PREVENCIJU I BORBU PROTIV TERORIZMA U FEDERACIJI BOSNE I HERCEGOVINE 2020.-2025.

U skladu sa zadacima iz Rješenja o formiranju Interresorne radne grupe tokom 2022. godine Interresorna radna grupa radila je na realizaciji mjere i aktivnosti predviđenih u Akcionom planu.

Analizirane su obaveze po rokovima za realizaciju pojedinih aktivnosti. Od 33 planirane aktivnosti, uspješno su okončane 13 aktivnosti, dok 20 aktivnosti ima kontinuirani rok trajanja.

Neke od aktivnosti sa kontinuiranim rokom:

- Aktivnost: poboljšavanje sposobnosti konzumiranja i tumačenja medijskog sadržaja na kritički način kod mladih (Univerziteti/Sveučilišta u Sarajevu, Tuzli, Zenici, Bihaću, Travniku i Mostaru). Nosilac aktivnosti: Organizacije civilnog društva (OCD)
- Aktivnost: Lideri protiv netolerancije i nasilnog ekstremizma - Obuka za mlade lidere. Nosilac aktivnosti: Licencirana organizacija civilnog društva (OCD)
- Aktivnost: Lideri protiv netolerancije i nasilnog ekstremizma - Obuka za žene aktivne u zajednici. Nosilac aktivnosti: Licencirana organizacija civilnog društva (OCD).
- Aktivnost: Lideri protiv netolerancije i nasilnog ekstremizma, - Obuka za lidere u zajednici. Nosilac aktivnosti: Licencirana organizacija civilnog društva (OCD).
- Aktivnost: Radionica za novinare o izvještavanju o terorizmu i nasilnom ekstremizmu. Nosilac aktivnosti: Vijeće za štampu BiH.
- Aktivnost: Radionica o prevenciji nasilnog ekstremizma za vjerske vođe. Nosilac aktivnosti: Licencirana organizacija civilnog društva (OCD).
- Aktivnost: Kontinuirana obuka policijskih službenika i tužilaca na okolnosti novih trendova otkrivanja, razjašnjavanja i dokazivanja krivičnih djela terorizma. Nosilac aktivnosti: Federalna uprava policije i Federalno tužilaštvo.
- Aktivnost: Edukacije nosilaca tužilačke i pravosudne funkcije na teme vezane za suđenje radikaliziranim osobama. Nosilac aktivnosti: Centar za edukaciju sudija i tužilaca u Federaciji Bosne i Hercegovine.
- Aktivnost: Edukacija koordinacijskih tijela u općinama i gradovima FBiH. Nosilac aktivnosti: načelnici 20 općina u FBiH.

Interresorna radna grupa je u mjesecu novembru 2022. godine informisala Vladu Federacije BiH da je Vijeće ministara BiH na 37. sjednici održanoj 20.05.2021. godine donijelo Odluku o uspostavi Radne grupe za izradu prijedloga Strategije BiH za prevenciju i borbu protiv terorizma (2021. – 2026.) i prijedloga Akcionog plana za

provođenje Strategije. U radu Radne grupe su učestvovali i predstavnici Interresorne radne grupe Vlade FBiH. Interresorna radna grupa Vlade Federacije Bosne i Hercegovine za izradu i provođenje Akcionog plana za prevenciju i borbu protiv terorizma u Federaciji Bosne i Hercegovine je dala saglasnost na Nacrt Strategije Bosne i Hercegovine za prevenciju i borbu protiv terorizma za period 2021. – 2026. koji je dostavilo Ministarstvo sigurnosti BiH aktom broj: 08-1-04-2-5973-16/20 od 16.06.2022. godine. Radna grupa je usaglasila tekst Nacrta Strategije i uputila ga na usvajanje Vijeću ministara BiH, putem Ministarstva sigurnosti.

Vijeće ministara BiH na svojoj 57. sjednici održanoj 09.11.2022. godine donijelo je Odluku o usvajanju Strategije Bosne i Hercegovine za prevenciju i borbu protiv terorizma za period 2021 - 2026. godine („Službeni glasnik BiH“ broj 8/23). Strategija definira ciljeve, principe i mjere koje Bosna i Hercegovina mora preduzeti, kao i vremenski okvir za njihovu realizaciju u oblasti prevencije i borbe protiv terorizma. Cilj Strategije je da se na svim nivoima vlasti u BiH uspostavi efikasan, koherentan i održiv mehanizam za prevenciju terorizma, nasilnog ekstremizma i radikalizacije koji vode ka terorizmu, koji će doprinijeti razvoju otpornosti društva na ove izazove. Radna grupa koja je sačinila Strategiju pripremit će i Akcioni plan za njeno provođenje i dostaviti ga Vijeću ministara BiH na usvajanje. Implementacija Strategije će se odvijati na svim nivoima vlasti u skladu s ustavnim i zakonskim ovlaštenjima institucija Bosne i Hercegovine, Federacije Bosne i Hercegovine, Republike Srpske i Brčko distrikta BiH, a putem akcionih planova koji će pratiti ciljeve i mjere Strategije, te uspostavljanjem modela nadzora i evaluacije.

S toga, biti će potrebno da se poduzmu aktivnosti da se Akcioni plan Vlade FBiH za prevenciju i borbu protiv terorizma u Federaciji Bosne i Hercegovine 2020.-2025., koji je usvojila Vlada FBiH na svojoj 233. sjednici održanoj 28.08.2020. godine, usaglasi sa novom državnom Strategijom. Ova aktivnost će se provesti u 2023. godini.

Također, IRRG je informisala Vladu FBiH da je Vijeće ministara Bosne i Hercegovine na prijedlog Ministarstva sigurnosti, na sjednici održanoj 25.08.2022. godine, donijelo Odluku o usvajanju Plana repatrijacije i Programa reintegracije, rehabilitacije i resocijalizacije državljana Bosne i Hercegovine, povratnika iz zona sukoba Sirije i Iraka. Odluka, Plan i Program su objavljeni u “Službenom glasniku BiH“ broj 69/22. Plan repatrijacije uređuje pitanja bezbjednog, humanog i kontrolisanog povratka državljana BiH iz Sirije i Iraka, sigurnosne provjere, utvrđivanje identiteta i državljanstva lica obuhvaćenih repatrijacijom, pružanje diplomatsko-konzularne, pravne i humanitarne pomoći državljanima BiH. Program reintegracije, rehabilitacije i resocijalizacije za sve kategorije državljana BiH sadrži kratkoročne, srednjoročne i dugoročne mjere sigurnosti, kao i mjere zdravstvene i socijalne zaštite, osiguranja pristupu obrazovanju, ekonomske podrške i zapošljavanja, pravne pomoći u lokalnoj zajednici i druge potrebne mjere. Sredstva za provođenje ovog plana i programa biće osigurana iz budžeta nadležnih institucija u BiH i iz donatorskih sredstava.

Interresorna radna grupa Vlade Federacije BiH se obraćala Ministarstvu sigurnosti i Koordinacionom tima za razvijanje sistema i procedura povratka i prihvata državljana BiH iz zone sukoba Sirije i Iraka sa zahtjevom za razmjenu informacija u kojem učestvuju institucije čiji zadatak je reintegracija, rehabilitacija i resocijalizacija (RRR) povratnika iz zone sukoba, prvenstveno žena i maloljetnika. Prije svega informacije o djeci kao što su: dob, porodična, zdravstvena i socijalna anamneza, uvjete u koje se dijete vraća, gdje će živjeti, s kim će boraviti, prostor u kojem će boraviti, postoje li

saznanja da li dijete ima nekih poteškoća ili specifičnosti, posebne potrebe i slično. Do dana sačinjavanja ovog izvještaja nismo dobili odgovor.

Zbog lakše koordinacije i izvještavanja u procesima reintegracije, resocijalizacije i rehabilitacije naših državljana, Interresorna radna grupa Vlade Federacije BiH za izradu i provedbu Akcionog plana za prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma predložilo je Vladi Federacije BiH da u Interresornu radnu grupu Vlade Federacije BiH imenuje federalnog koordinatora zaduženog za poslove readmisije, gđu. Ševku Palo, državnog službenika Federalnog ministarstva raseljenih osoba i izbjeglica.

Vlada Federacije BiH je na 339. sjednici održanoj dana 17.11.2022. godine, na prijedlog Interresorne radne grupe Vlade Federacije BiH usvojila sljedeći:

ZAKLJUČAK

1. Usvaja se informacija Interresorne radne grupe Vlade Federacije Bosne i Hercegovine za izradu i provedbu Akcionog plana za prevenciju i borbu protiv terorizma u Federaciji Bosne i Hercegovine broj: Int. 275/22 od 11.11.2022. godine.
2. Usvaja se Protokol za postupanje institucija u procesu rehabilitacije i reintegracije povratnika sa stranih ratišta i njihovih porodica u Federaciji Bosne i Hercegovine sa pripadajućim Aneksima.
3. Usvaja se Prijedlog za imenovanje u Interresornu radnu grupu novog člana IRRG i to federalnog koordinatora zaduženog za poslove readmisije Ševku Palo, državnog službenika Federalnog ministarstva raseljenih osoba i izbjeglica,
4. Zadužuje se Interresorna radna grupa da poduzme aktivnosti u vezi usaglašavanja Akcionog plana Vlade FBiH za prevenciju i borbu protiv terorizma u Federaciji Bosne i Hercegovine 2020.-2025. sa usvojenom Strategijom Bosne i Hercegovine za prevenciju i borbu protiv terorizma za period 2021 - 2026. godine;
5. Zadužuje se Interresorna radna grupa da nastavi aktivnosti u skladu sa zadacima iz Rješenja o imenovanju;
6. Zadužuje se Interresorna radna grupa Vlade Federacije Bosne i Hercegovine da distribuira Protokol nadležnim institucijama.

Nakon što je Vlada Federacije BiH na 339. sjednici koja je održana 17.11.2022. godine usvojila Protokol za postupanje institucija u procesu rehabilitacije i reintegracije povratnika iz zone sukoba i njihovih porodica u Federaciji BiH sa pripadajućim aneksima a u cilju upoznavanja i iniciranja saradnje na implementaciji aktivnosti iz pomenutog Protokola, IRRG je u saradnji sa Atlantskom inicijativom organizovala sastanak sa gradonačelnicima/načelnicima gradova/općina u Federaciji BiH u kojima se očekuje povratak bh državljana, a na kojem je prezentovan Protokol i dogovoreni daljnji koraci i saradnja.

U cilju realizacije planiranih aktivnosti iz „Protokola za postupanje institucija u procesu rehabilitacije i reintegracije povratnika iz zona sukoba i njihovih porodica u Federaciji BiH, i aktivnosti koje su predviđene u „Planu repatrijacije i programu reintegracije, rehabilitacije i resocijalizacije državljana Bosne i Hercegovine, povratnika iz zona sukoba iz Sirije i Iraka“ u prvoj fazi prihvata, planirana je ingerencija i uključenost Ministarstva za ljudska prava i izbjeglice Bosne i Hercegovine, sa raspoloživim

kapacitetima, koji su ostvareni u saradnji sa ostalim nivoima vlasti u prihvatu osoba koje se vraćaju po osnovu sporazuma o readmisiji. Uspostavljen je funkcionalan i efikasan mehanizam koordinacije među svim uključenim institucijama, ustanovama i organizacijama, te je osnažen jedan broj jedinica lokalne samouprave, u institucionalnom i finansijskom smislu, kako bi bile osposobljene odgovoriti svim zahtjevima readmisiranih osoba.

U sklopu uspostave sistema prihvata i integracije readmisiranih osoba, imenovani su entitetski koordinatori (Federalno ministarstvo raseljenih osoba i izbjeglica), kantonalni koordinatori za svih deset kantona.

Lokalne zajednice koje su prepoznate kao moguće zajednice povratka iz zone sukoba i njihovih porodica, uključene su u sistem readmisije kroz: „Lokalne readmisione timove (LRT)“, sa organizacionom strukturom i resorima.

Planirano je da će LRT po osnovu procesa readmisije u prvoj fazi prihvata započeti brigu o osiguranju osnovnih prava povratnika u lokalnim zajednicama, u oblasti stanovanja, socijalne i zdravstvene zaštite, obrazovanja i zapošljavanja sa posebnim fokusom na ranjive kategorije povratnika.

S ciljem adekvatnog odgovora u prihvatu ovih osoba, Ministarstvom za ljudska prava i izbjeglice Bosne i Hercegovine u saradnji sa entitetskim koordinatorom za poslove readmisije FBiH, je dostavilo zahtjev kantonalnim koordinatorima za poslove readmisije iz pet kantona, Lokalnim readmisionim timovima i povjerenicima u lokalnim zajednicama u kojima se očekuje povratak osoba iz zona sukoba, da izvrše nadopunu postojećih LRT i povjerenika, osobama koje su prošle edukaciju iz oblasti sigurnosti, centara za socijalni rad, zdravstvenog i socijalne zaštite, mentalnog zdravlja i obrazovanja.

AKTIVNOSTI KOJE SE PROVODE U SARADNJI SA MEĐUNARODNIM PARTNERIMA

IRRG osigurala je intenzivnu saradnju sa međunarodnim partnerima koji provode projektne aktivnosti i podržavaju implementaciju Akcionog plana za prevenciju i borbu protiv terorizma u Federaciji BiH.

S tim u vezi uz stalne konsultacije sa IRRG svoje programe prilagođavaju potrebama realizacije planiranih aktivnosti iz Akcionog plana. Međunarodne organizacije koje su podržavale realizaciju aktivnosti iz Akcionog plana su Kancelarija Vijeća Evrope u BiH, Međunarodna organizacija za migracije - IOM, UNICEF, Misija OSCE u BiH, Atlantska inicijativa, Institut za populacije i razvoj - IPD.

Pregled ativnosti i projekata koje su realizirale međunarodne organizacije sa IRRG i nadležnim ministarstvima:

Atlantska inicijativa

Atlantska inicijativa je potpisala Ugovor o grantu koji dodjeljuje GCERF iz kojeg će se financirati dvogodišnji projekt, usmjeren na realizaciju tri ključna cilja koji će se realizovati kroz četiri aktivnosti.

Ciljevi su:

Izgradnja kapaciteta državnih, entitetskih i lokalnih institucija;

Poboljšanje strateške komunikacije o resocijalizaciji i reintegraciji unutar i između institucija;

- Povećati aktivnosti u borbi protiv nasilnog ekstremizma.
- Glavne aktivnosti:

- Podrška razvoju multisektorske komunikacijske strategije o R&R;
- Formiranje ekspertnog/mobilnog tima na teritoriji Federacije BiH;
- Razvijanje istraživačkog novinarstva na temu R&R;
- Jačanje kapaciteta lokalnih organizacija civilnog društva da rade na R&R i PVE.

Podaktivnosti u prvoj aktivnosti: Podrška razvoju multisektorske komunikacijske strategije o R&R su Analiza, Uspostavljanje radne grupe na nivou BiH (2 člana nivo BiH, 6 nivo FBiH, 1 član iz RS i 1 član BD), Kreiranje komunikacijske strategije, Multisektorske radionice i predstavljanje analize i Strategije. Aktivnosti u vezi Jačanja istraživačkog novinarstva su Jačanje novinara na radionicama (5 radionica, 8 novinara iz partnerskih medija), Metodologija istraživanja o osjetljivim temama, Upoznavanje sa temom radiokalizacije, ekstremizmom, terorizmom i R&R. Koraci u realizaciji aktivnosti Jačanje kapaciteta lokalnih organizacija civilnog društva da rade na R&R i PVE su Mapiranje lokalnih organizacija, Kreiranje radionica i treninga, Jačanje lokalnih organizacija za rad sa R&R i PVE, Širenje mreže eksperata u civilnom društvu.

Koraci u relizaciji aktivnosti Formiranje ekspertnog/mobilnog tima na teritoriji Federacije BiH su: Kreiranje plana rada, Razvijanje smjernica, protokola i SOP-a (Standardni operativni postupak), Razvijanje sistema indikatora u mjerenju rizika i postignuća. Predviđeno je studijsko putovanje u Nizozemsku i Dansku. Predviđeni su obilasci kantonalnih i općinskih timova.

Aktivnosti na projektu počinju od maja 2022. godine i traju do feburara 2024. godine.

Institut za populaciju i razvoj – IPD

Institut za populaciju i razvoj je tokom 2022. godine organizovao obuke za članove kantonalnih koordinacionih timova. Članovi IRRG su bili prisutni na radionicama. Upoznali se sa članovima pet kantonalnih timova.

Obukama su prisustvovali kantonalni koordinatori za poslove readmisije iz pet kantona, LRT i Povjerenici iz lokalnih zajednica u kojima se očekuje povratak osoba.

To su konkretni ljudi, predstavnici policije, socijale, zdravstva, centara za mentalno zdravlje. Radilo se konkretno. Ti ljudi su zainteresovani za saradnju. Tužilaštvo, OSA, SIPA, Ministarstvo sigurnosti, IOM, OSCE su bili tu. Atlantska inicijativa će preuzeti na sebe dalju organizaciju. Prijedlog je da na nivou Federacije BiH bude formirano jedno tijelo koje će koordinirati aktivnosti. Možda da to bude IRRG u proširenom sastavu. To je ideja. Atlanstka inicijativa je aplicirala za sredstva za formiranje kantonalnih timova i eventualno za centralni tim. Moramo biti na oprezu kome ćemo dozvoliti pristup ovim procesima.

Međunarodna organizacija za migracije - IOM

Dana 12.10.2022. godine, sa početkom u 09,00 sati u Sali Hotela „Hills“ u mjestu Ilidža, član Interresorne radne grupe za izradu i sprovođenje Akcionog plana za prevenciju i borbu protiv terorizma u FBiH, je prisustvovao regionalnom sastanku Upravnog odbora Projekta „Izgradnja institucionalnih kapaciteta na Zapadnom Balkanu za suočavanje sa izazovima vezanim za reintegraciju, resocijalizaciju, i rehabilitaciju povratnika iz zone sukoba i njihovih porodica“. Sastanak je organizovala UN-ova organizacija za migracije (IOM) a prisustvovali su još članovi Upravnih odbora iz zemalja regije, predstavnici OSCE, Holandske ambasade u Sarajevu, Evropske komisije, Vijeća Evrope, nevladinih organizacija i dr. Tema sastanka je bila razmjena znanja i iskustava profesionalaca na operativnom nivou u posebnim oblastima relevantnim za proces reintegracije, resocijalizacije povratnika iz zone sukoba u Siriji i Iraku. Predstavnici pojedinih država su predstavili do sada poduzete projektne aktivnosti, sa posebnim

težištem na saradnju sa IOM-om, kao i prijedlog novih zajedničkih mjera i prioriteta djelovanja u preostalom vremenu Projekta, a nakon toga se razvila diskusija.

Kao predstavnik IRRG-a predstavio je aktivnosti koje su se realizovane u saradnji sa IOM-om, posebno u djelu projekata „Supervizija profesionalaca uključenih u proces readmisije djece i porodica koje su boravile u zonama rizika“, a koji je finansijski pomogla ova organizacija potpisavši ugovor o pružanju podrške realiziranju navedenog projekta. Također, spomenute su aktivnosti vezane za dodjele sredstava od strane IOM-a Fondu za reintegraciju u okviru ovog projekta.

IOM je u sklopu projekta „Izgradnja institucionalnih kapaciteta na Zapadnom Balkanu za suočavanje s izazovima vezanim za reintegraciju, resocijalizaciju i rehabilitaciju povratnika iz zona sukoba i njihovih porodica“ tokom 2022. godine podržao program supervizije u centrima za socijalni rad koji se susreću ili će se tek susresti s povratnicima sa stranih ratišta. Međunarodna organizacija za migracije (IOM) i Misija OSCE-a u Bosni i Hercegovini su zajednički, u suradnji sa Ministarstvom sigurnosti Bosne i Hercegovine, organizirali događaj na temu “Uloga sektora socijalne zaštite u radu sa djecom i porodicama povratnika sa stranih ratišta” u mjesecu oktobru 2022. godine. Cilj ovog događaja je osvrst na ulogu sektora socijalne zaštite u implementaciji Plana repatrijacije i programa reintegracije, rehabilitacije i resocijalizacije državljana Bosne i Hercegovine, povratnika iz zona sukoba Sirije i Iraka, osvrst na dosadašnje napore za osnaživanje ovog sektora te značaj protokola o postupanju i plana komuniciranja u procesu rehabilitacije i reintegracije povratnika. Projekat financira EU.

Nadalje, IOM je u okviru regionalnog projekta “Podrška vladama Zapadnog Balkana u prevenciji i odgovoru na izazove povezane sa nasilnim ekstremizmom i povratnicima iz zona sukoba”, formirao Fond za reintegraciju iz kojega se dodjeljuju grantovi u robi i uslugama s ciljem socio-ekonomskog osnaživanja povratnika iz zona sukoba, članova njihovih domaćinstava i njihovog motiviranja za samostalan rad i privređivanje. Aktivnosti vezane za Fond provodi IOM uz finansijsku podršku Vlade Kraljevine Nizozemske.

ZAKLJUČAK

Iz naprijed navedenog jasno se može zaključiti da su sve aktivnosti iz Akcionog plana za prevenciju i borbu protiv terorizma Federacije BiH, planirane za realizaciju u periodu do kraja 2022. godine i provedene.

Vijeće ministara BiH, na prijedlog Ministarstva sigurnosti, na svojoj 57. sjednici održanoj 09.11.2022. godine donijelo je Odluku o usvajanju Strategije Bosne i Hercegovine za prevenciju i borbu protiv terorizma za period 2021 - 2026. godine („Službeni glasnik BiH“, broj 8/23). S toga, biti će potrebno da se poduzmu aktivnosti da se Akcioni plan Vlade FBiH za prevenciju i borbu protiv terorizma u Federaciji Bosne i Hercegovine 2020.-2025., koji je usvojila Vlada FBiH na svojoj 233. sjednici održanoj 28.08.2020. godine, usaglasi sa novom državnom Strategijom. Ova aktivnost će se provesti u 2023. godini.

Članovi Interresorne radne grupe ostaju opredjeljeni za dosljedno izvršavanje zadataka navedenih u Rješenju o imenovanju.

S obzirom na realizirano u izvještajnom periodu, nakon upoznavanja sa Izvještajem o radu Interresorne radne grupe za 2022. godinu, predlažemo da Vlada Federacije BiH usvoji sljedeći zaključak:

1. Usvaja se Izvještaj o radu Interresorne radne grupe Vlade Federacije Bosne i Hercegovine za izradu i provođenje Akcionog plana za prevenciju i borbu protiv terorizma u Federaciji Bosne i Hercegovine za 2022. godinu;
2. Zadužuje se Interresorna radna grupa da nastavi aktivnosti u vezi usaglašavanja Akcionog plana Vlade FBiH za prevenciju i borbu protiv terorizma u Federaciji Bosne i Hercegovine 2020.-2025. sa usvojenom Strategijom Bosne i Hercegovine za prevenciju i borbu protiv terorizma za period 2021. - 2026. godine, u roku od 90 dana;
3. Zadužuje se Interresorna radna grupa da nastavi aktivnosti u skladu sa zadacima iz Rješenja o imenovanju;
4. Zadužuje se Ured za informisanje Vlade Federacije Bosne i Hercegovine da Izvještaj o radu Interresorne radne grupe za 2022. godinu objavi na web stranici Vlade Federacije Bosne i Hercegovine;
5. Ovaj zaključak stupa na snagu danom donošenja.

Predsjednik Interresorne radne grupe
Eldan Mujanović

